

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সেনাবাহিনীর প্যাসিফিক কমান্ডের ডেপুটি কমান্ডারের বাংলাদেশ সফর

ঢাকা, ৭ই এপ্রিল, ২০০৮ -- যুক্তরাষ্ট্র সেনাবাহিনীর প্যাসিফিক কমান্ডের ডেপুটি কমান্ডার মেজর জেনারেল প্যাট্রিক ডি. উইলসন আজ দুই দিনের বাংলাদেশ সফর শেষ করলেন। তার সফরের প্রাথমিক উদ্দেশ্য ছিল 'দ্বিতীয় শান্তিদূত মহড়া' পালন করা। এই মহড়া 'বিশ্ব শান্তি কার্যক্রম উদ্যোগ' (জিপিওআই)-এর আওতায় বাংলাদেশ ও যুক্তরাষ্ট্র সেনাবাহিনীর যৌথ আয়োজনে অনুষ্ঠিত হচ্ছে।

জিপিওআই হচ্ছে আন্তর্জাতিক শান্তি কার্যক্রম পরিচালনায় বড় ধরনের ঘাটতিগুলো তুলে ধরতে যুক্তরাষ্ট্রের পররাষ্ট্র দফতর কর্তৃক পরিচালিত পাঁচ-বছর মেয়াদি একটি কর্মসূচি।

ক্রুনেই, কম্বোডিয়া, ভারত, ইন্দোনেশিয়া, মঙ্গোলিয়া, নেপাল, শ্রীলংকা, দক্ষিণ কোরিয়া ও টোঙ্গা থেকে আগত সশস্ত্র বাহিনীর সদস্যরা যুক্তরাষ্ট্র ও বাংলাদেশের সেনাসদস্যদের সাথে একত্রে প্রশিক্ষণ গ্রহণ করছে। রাজেন্দ্রপুর সেনানিবাসে অনুষ্ঠিত মাঠ প্রশিক্ষণ মহড়ায় প্রথাগত বাহিনীকে শান্তি কার্যক্রমের মূল দক্ষতাগুলো প্রশিক্ষণ দেয়া হয়। যুক্তরাষ্ট্র, বাংলাদেশ এবং আন্তর্জাতিক বাহিনী শান্তি কার্যক্রম প্রশিক্ষণ এবং কৌশলগত মহড়া পরিচালনা করছে। যে কোন প্রয়োজনে অনেকগুলো দেশ মিলে যাতে দ্রুত সাড়া দিতে পারে, মিশনের কার্যকারিতা, আন্তঃপরিচালন এবং প্রচেষ্টার একতার উন্নয়ন ঘটানোর জন্যই প্রণীত হয়েছে এই মহড়ার কার্যক্রম।

এই মহড়ায় অংশগ্রহণের মধ্য দিয়ে যুক্তরাষ্ট্র, বাংলাদেশ এবং অন্যান্য আন্তর্জাতিক বাহিনী তাদের শান্তি কার্যক্রম সক্ষমতা জোরদার করবে, আন্তঃপরিচালনে উন্নতি ঘটাবে এবং পরিকল্পনা দক্ষতা লাভ করবে। জিপিওআই এর অংশ হিসেবে অংশগ্রহণকারীদের সার্বিক লক্ষ্য হচ্ছে জাতিসংঘের "প্রশিক্ষণ স্বীকৃতি" সংক্রান্ত মর্যাদা অর্জন, বাংলাদেশের সশস্ত্র বাহিনী, যুক্তরাষ্ট্র এবং আন্তর্জাতিক প্রশিক্ষকদের প্রশিক্ষণ প্রদান করা।

যুক্তরাষ্ট্র-বাংলাদেশ সেনাবাহিনীর সম্পর্ক হচ্ছে অত্যন্ত চমৎকার। যুক্তরাষ্ট্রের প্রায় ৩০ জন, বাংলাদেশের ৩৫০ জন এবং অন্যান্য দেশের ৪০০ জন সশস্ত্র সেনা 'দ্বিতীয় শান্তিদূত'-এ অংশগ্রহণ করবে।

=====

জিআর/ ২০০৮

দ্রষ্টব্য: এই নিবন্ধের ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল:

DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।